

PROGRAM PEMBANGUNAN MINDA INSAN KE-2 ANJURAN NCRC,UUM.

Northern Corridor Research Centre (NCRC)

Telah Dihantar: 28 Disember 2010 11:03

Kepada: UUM - All Staff; UUM All Student

Sk: Mohammad Taufiq B Hj Othman; Northern Corridor Research Centre (NCRC)



28 Disember 2010 / 22 Muharam 1432 H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

PROGRAM PEMBANGUNAN MINDA INSAN KE-2 ANJURAN NCRC,UUM.

Tarikh : 27 Disember 2010 hingga 03 Januari 2011

Tempat : Dewan Penginapan Pelajar TM, UUM Sintok

Sasaran Peserta : Pelajar lepasan SPM daripada keluarga di dalam senarai E-Kasih.

KETERANGAN PROGRAM

Program yang dijalankan ini melibatkan anak-anak dari keluarga miskin yang terdapat di seluruh negeri Kedah. Tujuan program ini adalah untuk mengalih pemikiran atau minda insan serta membangunkan modal insan yang terdiri daripada anak-anak keluarga miskin. Selain itu, program ini juga dapat meningkatkan motivasi di kalangan anak-anak keluarga miskin supaya mereka lebih gigih berusaha untuk meningkatkan taraf hidup. Ia juga akan memberi kesedaran kepada mereka tentang pentingnya pendidikan yang sempurna kerana ia mampu membimbing mereka keluar dari belenggu kemiskinan. Setiap ahli keluarga perlu memainkan peranan yang penting dalam memastikan kemiskinan ini tidak diwarisi. Anak-anak dari keluarga miskin atau generasi kedua keluarga miskin juga merupakan aset negara yang boleh merubah status miskin sesebuah keluarga miskin bagi mencapai tahap sasaran pengurangan peratus kemiskinan negara.

OBJEKTIF PROGRAM

Objektif Program "Pembangunan Minda Insan" adalah seperti berikut:

- Memberi kesedaran dan menggalakkan anak-anak penduduk miskin agar lebih berdaya maju dalam arus pembangunan negara.
- Meningkatkan motivasi dan keyakinan diri anak-anak penduduk miskin supaya lebih berusaha untuk berdikari bagi meningkatkan taraf hidup keluarga.
- Melahirkan generasi kedua golongan miskin ini supaya mempunyai sikap yang positif di samping memberi dorongan untuk mencapai kecemerlangan dalam akademik.

MATLAMAT PROGRAM

Pembangunan minda insan di kalangan golongan miskin mampu mengubah kehidupan mereka menjadi lebih baik. Tanpa sumber manusia yang berkualiti, sesebuah institusi kekeluargaan akan menjadi lemah dan sukar dalam membangunkan sosio-ekonominya. Perubahan minda insan juga mampu untuk meningkatkan mobiliti golongan miskin dalam membentuk anjakan paradigma ke arah mencapai hasrat untuk mewujudkan golongan miskin yang kukuh ekonominya.

